

Selskabit akileraarutaannik appaaneq piffissaq ungasinnerusoq eqqarsaatigalugu sulifissanik amerlanerusunik aammalu Kalaallit Nunaannut isertitsissutaanerusumik kinguneqassanersoq pillugu apeqquteqaat tunngavigalugu oqallinnissamik siunnersuut.
(Inatsisartunut ilaasortaq Knud Fleischer, Kattusseqatigiit Partiaat)

Akissuteqaat

(Aningaasaqarnermut Naalakkersuisoq)

Inatsisartunut ilaasortaq Knud Fleischer selskabit akileraarutaannik appaaneq piffissaq ungasinnerusoq eqqarsaatigalugu sulifissanik amerlanerusunik aammalu Kalaallit Nunaannut isertitsissutaanerusumik kinguneqassanersoq pillugu apeqquteqaat tunngavigalugu oqallinnissamik siunnersummik saqqummiussivoq.

Selskabit akileraarutaannik appaanissamut pissutissat amerlasinnaapput, tamakkulu pitsaaqu-teqarsinnaallutillu pitsaanngequteqarsinnaapput. Kommunit Namminersorlutillo Oqartussat isertitassatigut toqqaannartumik annaasaqassapput, taarsiullugu sipaarfissanik allatigullunniit isertitassanik taarserniagassanik. Akerlianilli selskabinik akileraarusiisarnerup pilerinarnerusup kingunerissavaa aningaasaliuumassuseqarnerup annertusinera, imaassinnaavorlu tamanna sulifissanik amerlanerusunik pilersitsinermik kinguneqartoq taamatullu immaqa kommunit Namminersorlutillo Oqartussat inuit akileraarutaasigut isertitaqarnerulernerannik kinguneqarluni.

Akileraarutillu selskabimik pilersitsinermut atatillugu pisussat ilaannaraat. Aamma aninga-sartuutinik ilanngaateqarsinnaanermut maleruagassat, nalikilliliisinnaanermut maleruagassat ilaallu ilanngullugit aalajangiisooqataapput.

Qularutigineqassangilaq selskabinut tunngatillugu maleruagassaatitta tamarmiullutik – akile-raarutit, nalikilliliinerit ilaallu ilanngullugit – selskabit aningaasaliisarnerinik annertusaaqataa-sinnaasutut aaqqissuussaanissaat Naalakkersuisunit isumaqarfingineqarmat, tassa selskabinut ataasiakkaanut aammalu inuiaqtigiaunnut taakku akuuffiannut iluaqutaasumik.

Selskabit akileraarutaata angissusianik naliliinermi aamma eqqarsaatigineqartariaqarpoq inuit akileraarutaasa maannakkorpiaq qanoq angissuseqarnerat, tassami inuit aamma selskabit akileraarutaasa annertussusiisa annertoorujussuarmik nikingassuteqarnerat tassuunakkut ilua-naarniassamut pissutaaqataasinnaammat.

Knud Fleischerip apeqquteqaataa Naalakkersuisut soqtiginartippaat, isumaqarlutillo selskabit akileraarutaannik imaluunniit akileraarutinut akitsuutinullu tunngatillugu immikkut ittumik suliniutissanik oqaluuserisaqarnissaq Akileraartarneq Atugarissaarnerlu pillugit Isumalioqati-giissitap isumaliutissiissutaata oqaluuserineqarnissaanut atatillugu pisariaqartoq. Taamaalior-nikkut qulakkeerneqassaaq akileraartarnerup tungaatigut siunnersuutit Kalaallit Nunaanni akileraartarnerup akitsuuusiisarnerullu siunissami aaqqissuussaanissaannik isumaliuteqarnermi ilanngullugit suliarineqarnissaat.